

БУХЫ ОРОНУДАЙ ПРОЛЕТАРИНАР, НЭГЭДЭГТҮ!

1917

Бурят-Монголой ҮНЭН

1957

КПСС-эй Бурят-Монголой обкомой, БМАССР-эй Верховно Советэй, КПСС-эй Улан-Удын горкомой орган.

№ 263 (8483) 1957 оной ноябриин 6, среда Сэн 20 мүнгэн

ЛЕНИНЭЙ ЗААВАРЯР, ПАРТИИН ХҮТЭЛВЭРЭЭ

Үглөөдөр түүхэтэ ехэ үдэр—хүн түрэлтэнэй түүхэдэ шэнэ үе саг нээһэн Агуухэ Октябриин социалистическэ революциин 40 жэлэй ой гүйсэжэнь.

Коммунистическэ партиин, тэрэнэй вождь В. И. Ленинэй сээс мэргэн хүтэлбэри доро совет арад ёһотойл арад зоной—хүдэлмэришэн, таряашанай дэлхэй дээрхи түрүүшын гүрэниие байгуулһан юм. Тэрэ гэнээр оройдоо 40 жэл үнгэрбөшье, дэлхэй дээрэ ямар ехэ хубилалта болоо гээшэ! СССР-эй һүүлээр үшөө 12 гүрэн, тэрэ тоодо агуухэ Хитад орон социализмын туг доро жагсаба. Империализмын колониальна системэ хандаржа, дэлхэй дээрэ 20 гаран шэнэ гүрэн бии болоо. 40 жэлэй саада тэе бүхы дэлхэе зонхилжо байһан империализм мүнөө хүсээе нуларжа, хүн түрэлтэнэй хахадһаа сэхинь тэрэнэй мэдэлһээ гараа.

Эдэ жэлүүдтэ манай орон хүсэ ехэтэ социалистическэ гүрэн боложо шадаба. Түүхэтэ богонихон болзор соо, нэгэ үеын хүнүүдэй нанан соо, социализм байгуулха бүхэдэлхэйн-түүхэтэ зорилго шиндхэгдэе.

Социализмын агуухэ уг зорилгонуудай мандан хүсэлдэхын тулада советскэ хүнүүд хүсэ шадалаа гамнаагүй. Заримдаа унтаха нойргүйгөөр, заримдаа хоһон нойтоор шахуу ябажа, агуухэ барилганууды бодхоогоо, промышленность болон хүдөө ажыхыгаа халбаруулан хүжөөгөө. Хэһэн, туйлаһан ажалад биднэр мүнөө омог баяртайгаар эрьен харанабди. 1957 ондо СССР дотор бүтээгдэһэн промышленна продукция хэмжээн 1913 онойхино орходоо 33 дахин, 1917 онойхино орходоо 46 дахин ехэ байба. 1913 ондо бүхэли жэл соо гаргагданан промышленна продукция мүнөө жэл 11 хоног соо бүтээгдэжэ байгаа. Иимэ түргэнөөр урагшаа дабшаха гээшэ капиталистическэ түрэнүүдэй түүхэдэ үзэглөө дулдаагүй юм.

Совет арадтай ажана тэниглэн ажбайдал жэл эрэхэ бури найжарна. Соёл культураа хүжөөлгөөдөө айхабтар ехэ амжалтанууды туйлаабди. Ороноймнай хүн бүхэн эрдэм номтой болоо. Октябриин революциин урда тээхидэ орходоо мүнөө манай орон дотор 21 дахин олон дээдэ эрдэмтэй мэргэжэлтэд жэл бури бэлдхэгдэн гаргагдана.

Хүдөө ажыхыда социалистическэ айхабтар ехэ хубилалтанууд хэгдэжэ, элбэг баян ургаса хураагдана, малай ашаг шэмэ дээшэлэе. Һүүлэй жэлнүүдтэ шэнэ ба боро газар ехээр элдүүрилһэнэй ашаар, 1956 ондо урда жэлэйхинэ 1 миллиард гаран пүүд таряан үлүү ехээр хураагдаа.

Мүнөө совет арад һу, тоһо, мяханай хүн бүхэндэ хүртэсөөр СИА-е ойрын жэлнүүдтэ хүсэхэ гэнэн шухала зорилго урдаа табяад ажаллажа байна.

Коммунизм байгуулжа байгаа арадтаа советскэ наука айхабтар ехэ туһа хүргэнэ. Дэлхэй дээрэ наука болон техникийн хүжэлтэдэ манай эрдэмтэд түрүү зэргэдэ ябалсана. Түрүүшын атомна электростанци, түби хоорондын баллистическэ ракетанүүд, дэлхэйн бумбэрэтыг тойрон ниидэгшэ хэмэл одон гэхэ мэтэнүүд манай эрдэм наука тухай алдар суу тараана.

Энэ түүхэтэ ойн найдэрэе мүн манай социалистическэ Бурят-Монголой ажалшадшые хүхюун сэнгэлгээр, һур жабхалантайгаар угтажа байнхай. Урдань хаанга Россин гээгдэнги, барга харанхы заха хизаар байһанаа мүнөө манай Бурят-Монгол хүсэн түгэлдэр индустриально-колхозно республика болоо.

Социалистическэ хүдөө ажыхымнай, соёл культурамнай танигдашагүйгөөр хубилан хүжэһэн байна. Тарилгын талмай үргэдэжэ, адуу малнай түргэнөөр үдэжэ байнхай.

Бүхы совет арадтаяа хамта манай республикийн ажалшад түрэл Коммунистическэ партиингаа хүтэлбэри доро Эхэ оронойнгоо баялгыень улам арьбадхалсахын, бөөе хамгаалха хүсэ шадалыень бүри шангадхалсахын тулада саашадашые шэнэ зоригтойгоор ажаллаха, бүхы оролдосоо гаргаха байна.

Партинда хизааргүйгөөр найдадаг, үнэн сэхэ байдаг тухайгаа совет хүнүүд агуухэ Ленинэй хэлэһэн үгэнүүды нанан, «биднэр тэрэндэ этигэнэбди, тэрэниие манай үеын оюун бодол, нэрэ түрэ ба үнэн сэдхэл гэжэ тоолонобди» гэжэ хэлэдэг.

Агуухэ Октябриин Улаан туг бумбэрэсг дэлхэй дээрэ бури үндэр дээрэ, һур жабхалантайгаар мандажа байг лэ!

Агуухэ Октябриин социалистическэ революциин 40 жэлэй ой мандаха болтогой!

Коммунизм байгуулжа байгаа агуухэ совет арадта алдар соло!



Вл. МАЯКОВСКИЙ

Владимир Ильич Ленин (Поэмәһөө абтаба)

Парти болбол ээм ээмүүдэ хам нилдүүлһэн миллион хүнүүд мүн гэшэл. Бэе бэе дэмжэлсэн, үргэлсэн, барилганууды бодхообди дээшэн. Парти хадаа хүдэлмэришэн ангийн нюрга нэарын. Парти хадаа манай хэрэгэй мүнхэ һүлдэн. Парти хадаа хээшэ манда урбахагүй үнэн зүрхэмнай. Мүнөөдэр приказчыгые хадаа, үглөө хан түрые картаһаа хюһахаб. Ангийн ухаан бодол, ангийн үнэн хэрэг, ангийн агуу хүсэн, ангийн алдар нэрэ— энэл даа парти гэшэмнай, Парти Ленин хоёр— эхир хүбүүд лэ,— хэнинь үлүү сентэйб эхэ-түүхэдээ? Парти гэжэ— Ленин гэхэдэ ойлгонобди, Ленин гэжэ ойлгонобди парти гэхэдэ. Титимтэ толгойнуудай үшөөл лабхайлдажа байхада, үбэлэй турлаагууд шэнги, буржуйнарай хара торюун нуухада, хүдэлмэришэдэй халуун бурма сорьёлоо, партиин зуухаар газар дороһоо соробхилоо.

ЭХЭ ОРОНОЙ МАНДАЛДА

108.568 КУБОМЕТР МОДОН

Республикымнай модошод Октябриин 40 жэлэй ойн хүндэлэй мурьсөөндэ эдэбхитэйгээр хабаадажа, 10 харынгаа даабаринаа гадуур 108.568 кубометр модо Эхэ оронойнгоо барилгануудта үгзэб.

50.000 МЕТР СЭМБЭ

Улан-Удын сэмын фабрикийн хүдэлмэришэд хэдэн жэлэй турша соо социалистическэ мурьсөөнэй түрүү зэргэдэ ябана. Октябриин найдэрэе мүнөөшье ажалай шэнэ амжалтаар угтаа. 10 харын түсбөө гадуур 50.000 метр сэмбэ нэхэгдэб.

Сэмбэшэднай туйлаһан амжалтаараа урмашан, зургаадахи табанжэлэй түсбэе уридшалан дүүргэхын түлөө тэмсэжэ байна.

26,5 ЭШЕЛОН НҮҮРЬЭН

Галууга Нуурай рудоуправлениин шахтёрнууд алдарт Октябриин 40 жэлэй ойдо бэлэг болгон, 10 харынгаа даабаринаа гадуур 26,5 эшелон нүүрһэ республикынгаа арадай ажыхыда үгөө.

СОНХЫН ШЭЛ ЭХЭЭР ГАРГАБА

Улан-Удын шэлэй механизированнэ заводойхид арба харынгаа даабарине болзорһоо урид дүүргэжэ, түсбөө гадуур 100 мянган дүрбэлжэн метр шэл гаргаа. Тэрэнэй 44 мянган дүрбэлжэн метрын хайрсагуудта багсалагдажа, шэнэ барилгануудта эльгээгдэе.

КОНСЕРВЭШЭДЭЙ АМЖАЛТА

Мяха-консервын комбинадайд хүдэлмэришэд Октябриин урда тээхи мурьсөөндэ эдэбхитэйгээр хабаадажа, бага бэшэ амжалта туйлаба. Октябрь харын түсбөө гадуур 915 мянган банка консервэ, 670 центнер колбаса үйлдэрилгэдөө.

Үнгэрһэн арба-һара соо комбинадайд мянга үлүүтэй түрүүшүүл жэлэйнгэе түсбэе дүүргэе.

ҮНЭН БҮРИНӨӨ 3297—3521 ЛИТР ҺҮН

Сэлэнгын аймагай Карл Марксын нэрэмжэтэ колхозой гэшүүд Агуухэ Октябриин 40 жэлэй оёе ажалай амжалтаар угтаа. Үнгэрһэн 10 харын туршада колхозой һаалишад үнээн бүринөө 1750 литр һу хаагаа. Хонин бүринөө 2,610 килограмм ноһон хайшалагдаа. Колхозой олоо ехэтэй халбарин—хонин ажалһаа 2 миллион 500 мянган гүхэригэй олоо доход ороо. Мүнөө эндэ 30518 толгой нарин, нарибтар ноһотой хонид бии.

Колхозой түрүү һаалишад Зоя Данзанова, Гилжит Жалсанова үнээн бүринөө 3297—3521 литр һу хаагаа. Хониншор Нордоб Намсараев эхэ хонин бүринөө 5,170 килограмм ноһо хиргаа.

Элдүүрин газарай 100 гектар үнээн энэ колхоз 3971 литр һу, 15 центнер мяха, 225 килограмм ноһо абаа.

ҺҮ, НОӨН, ТАРИАН ЕХЭЭР ТУШААГДАА

Республикийн колхозууд болон совхозууд ноһо абалгаа дээшлүүлжэ, гүрэнтээ сум тоосоод, түсбөө гадуур 315 тонно ноһо тушаһан байна. Тинхэдэ һу тушааха, худалдаха түсбөө болзорһоон урид дүүргэжэ, нёдондойхиноо 1741 тонно һу гүрэндөө ехээр үгөө.

Мүн гүрэндэ таряа тушааха, худалдаха түсбөө сум дүүргэжэ, нёдондойхиноо 665 мянган пүүдээр дээшэ ороһоо таряан тушаагдаба.

Нэгэн дуугаар найшааба

Областной партиин эдэбхитэдэй суглаанһаа

Улан-Удэдэ областной партиин эдэбхитэдэй суглаан боложо, Советскэ Арми болон Флотдо партиин-политическэ хүдэлмэри найжаруулха тухай КПСС-эй ЦК-гэй октябриин Пленумэй тогтоолысэ зүбшэн хэлсэбэ. Энэ асуудалаар КПСС-эй ЦК-гэй РСФСР-тэхи бюрогой гэшүүн нүхэр Мыларщиков элидхэл хээ.

Суглаан дээрэ 16 хүн үгэ хэлэжэ, сэрэгшэдэй дунда политическэ ба хүмүүжүүлгын хүдэлмэри найжаруулха тухай партиин ЦК-гэй Пленумэй шиндхэбэриие найшаагаа, өөрыгөө магтуулхын, дээгүүр абхуулхын түлөө оролдоһон, Советскэ Армида ганса нэгэн хүндэ шүтэн һүгдэхэ ябадал дэлгэрүүлхэе нэдэһэн нүхэр Жуковой хэнгэргүй аашануудысэ үгэ хэлэһэн хүнүүд ехээр буруушааба. БМАССР-эй Верховно Советэй Президиумэй Түрүүлэгшэ нүхэр Цыремпилов, Түнхэнэй аймагай Ленинэй нэрэмжэтэ колхозой түрүүлэгшэ нүхэр Халудоров, КПСС-эй обкомой секретарь нүхэр Очиров болон бусад үгэ хэлэе.

Эдэбхитэдэй суглаанда хабаадагшад КПСС-эй ЦК-гэй октябриин Пленумэй тогтоолысэ нэгэн дуугаар найшаһан шиндхэбэри баталба.







